

Henny Eman:

NO TIN CONTESTA PA ARGUMENTONAN DI HULANDA

Nos ta mantenen derecho di bin back ariba fecha

ORANJESTAD(AAN)—Den e ultimo parti di e discurso di Mr. Henny Eman den Eilandraad ariba e topico di cambio di statuut, el a trece dilanti entre otro cu AVP ta respeta opinion di tur hende den eilandsraad y cu e ta den un partido cu tin respet profundo pa democracia. Y si cualquier politico den eilandsraad tin otro opinion cu AVP, AVP lo bringa pa e por expresa e opinion ey, y ta pesey AVP ta haci un apelacion, respetando e derecho di tin un otro

opinion, pa unidad Arubano, pa refleha e unidad den mundo, y laga tur bai di acuerdo cu e Status Aparte di Aruba.

"Pasobra si acaso bo a bin cu e argumento cu bo ta pro status aparte, pero bo tin miedo di e fecha di independencia, e ora bo no por abstene bo, bo mester vota. E ora bo mester vota contra.

Bo mester vota contra sino bo argumentonan no ta valido. Ta bo derecho di vota pro, bo derecho di vota contra, do dere-

cho di sali afo. Pero si bo argumentonan ta, cu gran mayoria di e politiconan sinta aki awe ta haci un equivocacion di bay di acuerdo cu e posicion di ley aki, e ora bo tin cu bay 'all the way' pa mañan bo bay Nacionnan Uni y bisa 'ami si a vota contra, ami si a mira un peliger, mi a vota contra'.

Partido AVP si ta desea di expresa awe aki den cu mañan pueblo tin e derecho pa medio di un referendum bin cu un otro opinion.

Ken por imagina su mes mañan cu si e pueblo di Aruba a expresa cu 1966 ta mucho tempran, y ta bay cu opinion di henter pueblo Arubano Hulanda, cu Hulanda den frente di henter mundo ta bisa bo cu bi tin cu sali afo. Imposibel, segun Sr. Eman.

"Pero kico lo pasa si nos lo bay contra e Status Aparte? Kico e alternativa ta? E alternativa no ta un Status Aparte, sin e fecha di independencia. E consecuencia di no acepta e proyecto di ley aki ta Status quo.

Mantene e situacion manera e ta, keda den e constelacion antiano.

Ora cu bo pone e dos altnativanan den balance e conclusion mester ta cu nos tin cu bay all the way.

Cu Hulanda a hunga un wega cu nos, ta bisto, nos tur sa. Lamentablemente el a haya cooperacion di e partido cu tin mayoria, cu no a keda para ariba nos punto di bista.

Nos tur conoce e argumentonan cu Hulanda a trece padilanti:

1. Con nos por duna Aruba Status Aparte sin cu mañan tur isla di Antillas kier Status Aparte.

2. Con nos ta bay splica nos votadornan na Hulanda cu en vez di haci Antillas Independiente, nos a crea un relacion nobo cu Aruba.

"Esaki ta dos argumento cu bo no tin contesta pe. E unico cos cu nos por a haci ta cu nos ta mantene e derecho pa bin back ariba esaki.

E dia cu e ley aki wordo cambia, lamentablemente esey no ta awe, pa nos lo ta un dia grandi. un dia cu generacionnan a traha pe. AVP ta contento cu awe conhuntamente nos lo alcanza dos tercera parti y tambe dia 18 ora e lo wordo trata, ta bay alcanza e dos tercera parti. Nos ta spera cu e lo bay ta unanime, pasobra nos no ta kere cu ora bo ta na e punto pa bay construi bo pais nobo, ora cu tur hende mester ta ariba e mesun linea di pensamiento, cu un grupo ta bay aparta su mes. Ami ta contento di ta nieto di esun cu hunto cu e pueblo a cuminsa e lucha aki y cu awe por a contribui un parti di e realizacion aki, reconociendo e trabao di tur otro den esaki.

Tin biaha hopi bon, tin biaha menos bon, tin biaha hasta malo, pero hunto nos a yega te e punto aki y pa AVP y pa e pueblo Arubano e lo ta

un cos grandi si esaki por a bay unanimamente. Mi kier gradici tur epoliticonan di e otro islanan cu a coopera cu Aruba. Status Aparte no tabata posibel si e partidonan lo no a coopera y a forma un bloque ora di enfrente Hulanda. Atrobe nos ta mira awor cu e partidonan di e otro islanan a coopera cu e mocion cu a wordo entrega. El a wordo acepta unanimamente, un vez mas concretisando loke ya caba tabata un acuerdo den Comision Mito.

Mi kier gradici nan, pasobra pa nan tabata dificil pa sostene activamente e partidonan Arubano pa yega asina leeuw, pasobra hopi aña largo e partidonan di Curacao tabata tin pensamentonan centralista, pensamentonan cu Aruba mester keda den unidad antillano.

Tambe mi kier gradici e gobierno di 1983 den su totalidad cu a pasa den tormento ora cu decisionnan grandi mester a wordo tuma. Ningun gobierno central den pasado no a yega asina leeuw.

Mi kier a gradici en particular e ministro di estructura estatal cu a organiza henter e conferencia di mesa rondo cu a resulta exitoso, Mr. Mito Croes, cu como experto ariba tereno estatal, ariba un manera magistral a demostra cu e no tabata un experto ariba papel so, pero den practica tambe.

Den den practica tambe. Mi kier a gradici Sr. Watty Vos, cu ora cu tur miembro den comision di reino y den conferencia di mesa rondo a bay contra e Status Aparte, y cu mi a bin para mi so, a bin para bandi mi. Ni maske cuanto e hulandesnan a bari'e for di mesa.

Palabranan di gradecimento tambe na tur nos coleganan den AVP y tur nos coleganan politico y naturalmente tambe na tur e conseheronan cu

Sigui lesa pag. 14

TUR ATARDI DI DIALUNA PA
DIAVIERNA DI 5or PA 7or

E Programa di Estilo
SINTONIA ABSOLUTO
DEN 85



**JOHNY'S
GOLDIES**



**10% DESCUENTO ARIBA TUR BENTA
CASH Y ENTREGA.**

GRATIS ! DURANTE LUNA DI JULI.

INTAG tin un surtido grandi den material ci construccion, sanitario, planchi di aluminium pa dak, planchi di asbestos, hardboard, plywood, verf.

Awor INTAG tambe ta duna CREDITO
Bin y puntra pa nos reglanan di Credito.

Cu cada compra di
FL. 25.00
UN TICKET
cu chens di gana un
vakanantie pa
VENEZUELA
PLUS
\$ 500.00

INTAG INC.

Arendstraat 105
Tel.: 21174/24732